



Broj: 03/1-50-14-7-8- 5/15
Sarajevo, 25.8.2015.

PREDMET: Informacija o posjeti članova Zajedničke komisije za odbranu i sigurnost BiH Ministarstvu sigurnosti BiH, 7.7.2015.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su, 7.7.2015., Ministarstvo sigurnosti BiH.

U delegaciji ZK bili su: Sifet Podžić, predsjedavajući, Borislav Bojić, prvi zamjenik predsjedavajućeg, Borjana Krišto, druga zamjenica predsjedavajućeg, Šemsudin Mehmedović, Hazim Rančić, Mario Karamatić, Darko Babalj, Hanka Vajzović, članovi ZK, Ljiljana Milićević, sekretarka, i Željko Grubešić, stručni savjetnik.

Sastanku s članovima ZK u MOBiH prisustvovali su: Dragan Mektić, ministar, Mijo Krešić, zamjenik, Bakir Dautbašić, sekretar Ministarstva, Mirsad Vilić, direktor Direkcije za koordinaciju rada policijskih tijela BiH, Đuro Knežević, zamjenik direktora SIPA-e, Zoran Galić, direktor Granične policije BiH, Izet Nizam, zamjenik direktora Službe za poslove sa strancima, Jasmin Pilica, direktor Agencije za policijsku podršku, Branko Vukoja, direktor Agencije za školovanje i stručno usavršavanje, Ljiljana Trišić, direktorica Agencije za forenzička ispitivanja i istraživanja.

Na sastanku je razgovarano o aktuelnoj sigurnosnoj situaciji u BiH, koordinaciji u radu policijskih agencija, o aktuelnim sigurnosnim izazovima, posebno borbi protiv terorizma, organiziranog kriminala i korupcije, te načinu i spremnosti da im se suprotstave subjekti sektora sigurnosti.

Isto tako, razgovarano je o potrebi dogradnje postojećih strateških dokumenata, posebno Sigurnosne politike BiH, Strategije za prevenciju borbe protiv terorizma, dogradnji postojeće legislative te ispunjavanju međunarodnih obaveza BiH u dijelu nadležnosti policijskih agencija i Ministarstva sigurnosti BiH.

Razgovarano je o statusnim pitanjima policijskih službenika te njihovoj odgovornosti i transparentnosti u radu, potrebi nabavke nove opreme i sredstava koji će policijske agencije učiniti spremnim da preventivno i efikasno djeluju u situacijama kada je to potrebno.

Zaključeno je da će Ministarstvo sigurnosti BiH, u saradnji s policijskim agencijama iz svog sastava, vrlo brzo pripremiti program aktivnosti i mjera koje će sektor sigurnosti učiniti efikasnijim i operativnijim u izvršenju njihovih zadataka.

Predsjedavajući
Zajedničke komisije

Sifet Podžić

Dostavljeno:

- naslovu
- a/a